

vne fontaine deaue clere et necte Et depuis y fut faicte vne bone vil
le ou les gens se retirerent pour lamour de leaue Et fut appellee fait
morans pour lamour du preudome qui y fut depuis enterre et mis
en sepulture Et apres que saint martin et saint morans eurent este
vne espace de temps ensemble il print congie de lui

Une fois martin vouloit chater messe a large. Si vint en vng
monstier pres du quel auoit des foussez ou il y auoit tant de
reynes que merueilles. Lesquelles faisoient si grant bruyt et si grant
noyse que on ne pouoit a riens entendre. Quant saint martin vit
la et ouyt la noyse que faisoient les reynes si pensa quil ne pourroit
chanter en si grant bruyt. Si leur manda par saint briz quelles se
teussent Lors saint briz vint aux fossez et leur dist quelles se teussent
et quelles laissassent chanter la messe a martin. Et onqs puis la def
fense les reynes ne sonnerent mot par la vertu de martin q lauoit
cõmande

Commēt martin chante la messe. Et cõment saint briz
vit vng diable qui escripuoit ce que deux fēmes disoient



Quant saint martin vit que les reynes ne menerent plus de
bruyt il commença sa messe bien deuotement / et saint briz lui
aidoit. Et ainsi comme saint martin disoit sa messe. Saint briz
regarda a costé de luy vers vng pillier qui la estoit et vit deux fem-
mes qui estoient venues pour ouyr la messe Lesquelles cacquettoient
esemble. Et a costé delles vit vng diable lequel escripuoit en du par-
chemin ce quelles disoient. Mais les deux femmes furent si longue-
ment a cacquetter que le diable n'auoit plus de parchemin qui ne fust
presque escript Lors se print a tirer son parchemin auerques les des
pour le alonger Et tira tellement que son parchemin rompit. Et
cheut le diable a la renuerse et se cuida casser le col. Et saint briz
qui tout ce regardoit se print a rire Et nentendoit pas a saint mar-
tin qui disoit sa messe. Lequel en se tournant vit saint briz qui sen-
rioit. Mais nul semblant nen fist iusques a la fin de la messe. Et
quant la messe fut dicte il appella saint briz et luy demanda pour
quoy il nentendoit a lui quant il chantoit. Et pour quoy il se rioit.
Briz lui respondit quil se rioit pource quil auoit veu vng diable qui
escripuoit ce que deux femmes disoient tandis quil chantoit. Et que
quant le diable vit quil n'auoit plus de parchemin quil le tira o les
dens et le parchemin rompit et le diable cheut a lenuers. Et pource
auoit il ris Et quant martin ouyt ceste chose si dist en son cueur que
briz estoit meilleur quil ne le cuidoit puis quil auoit la vertu en luy
de pouoir veoir le diable Lors sen retournerent la voye quilz estoient
venuz.